



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Corona Avrea S<sup>v</sup>pere Mithram Romani Pontificis**

**Raynaud, Théophile**

**Romae, 1647**

Veritas XII. Membris ab hoc capite abiunctis, nulla salus.

**urn:nbn:de:hbz:466:1-10481**

plantatio. Videndus in hanc rem Gaspar Sancius tract.<sup>3</sup>  
de prædicatione S.Iacobi in Hispania c. 1. iuncto tract.<sup>4</sup>  
c.2. Et quia eadem sunt conseruationis & primæ produ-  
ctionis principia, rectè ex eodem fundamento collegit  
Rex Arméniorum, scribens ad Innocentium Tertium, in  
omnibus ad religionem spectantibus, ad Romanum Pon-  
tificem esse recurrentum, his illum præter cætera affatus.  
[ Cum constet, vos celeberrime Pater & Domine, S.Eccle-  
siæ & Religionis Christianæ curam & prælationem dante  
Domino, gerere; constat vtique, nos & ad vestri refugium,  
tanquam ad tutissimum receptaculum debere recurrere,  
in quo tota spes nostra & fiducia post Dominum depen-  
det, & à Beatitudine vestra in nostris necessitatibus præ-  
diuum postulare . ]

## V E R I T A S XII.

*Non eſſe ſub Romano Pontifice, ut capiſe; eſt non eſſe mem-  
brum corporis Christi, atque adeò eſt eſſe palmitem emor-  
tuum, certò arſurum in aeternum, niſi ante obitum,  
mentis sanitas reueniat.*

**I**T A habetur ex titulo *capitis Ecclesiæ*. Hæc enim eſt  
corpus Christi mysticum; & fideles, eius membra.  
Qui ergo non ſubeft capiti Ecclesiæ viſibilis, ſaltem voluntate,  
eiusque doctrinam repudiat, non eſt ex numero fi-  
delium, atque adeò eſt extra Ecclesiam, in qua ſola con-  
tingit ſalus: & præter alia quæ pīe in hanc rem profert  
Michael de Aninyon, l.de vnitate ouilis & Paſtoris cap.2.  
hæc eſt certa omnium Patrum Doctrina. Vnde fidenter,  
& verè Lanfrancus l. contra Bereng. [ Beati Doctores, ſi  
non eisdem Verbis, eisdem tamen ſententijs, multis in lo-  
cis concorditer aſtruxerunt, hæreticum eſſe omnem ho-  
minem, qui à Romana & vniuersali Ecclesia, in fidei do-  
ctrina diſcordat. ] Dixi tamen ad obtinendam ſalutem  
poſſe

posse sufficere, subesse visibili Ecclesiæ capiti, *saltem voluntate*, siue in præparatione animi; propter Cathecumenos, quos certum est posse saluari, ut D. Ambrosius orat. de Valentianiano disertè tradit. Et tamen aliqui negant eos esse de Ecclesia, cum nondum subiuerint eius ostium, quod est Baptismus. Ita Canus 4. de locis, c. 2. Azor tom. 2. l. 5. cap. 23. q. 5. Bellarminus l. 3. de Eccles. c. 3. Suares tract. 1. de fide disp. 19. sect. 5. num. 9. Alij tamen, agnoscunt Cathecumenos esse de Ecclesia, & numerari debere inter membra corporis Christi, in quo fidem & charitatem habere possunt, atque saluari. Ita Suares tract. 1. de fide disp. 8. f. 1. nu. 17. Est hæc lis planè de nomine. Nobis autem satis superque est, quod Cathecumeni, voluntate, & in præparatione animi, sint membra Ecclesiæ, & subsint visibili eius capiti. Nam quia voluntas efficax, apud Deum habetur pro facto; mirum non est, si tractentur, ut vera Ecclesiæ membra, nec excludantur à salute.

Non sic impij, non sic. Nam siue Pagani, siue Hæretici, siue Schismatici, quotquot à capite visibili, atque adeò à corpore Ecclesiæ sunt abiuncti, peribunt in æternum. De Paganis, res est clara; quia qui non credit, iam iudicatus est. De Hæreticis & Schismaticis voluntariè peccantibus, tametsi baptizatis, idem est statuendum. Neque enim possunt esse membra Ecclesiæ, ut malè censem Castro l. 2. de iusta hæret. punit. c. 24. & Caietanus tom. 1. Opusc. tract. 1. c. 22. Meritò autem id negant Victoria reflect. 1. f. 2. num. 6. Azor t. 2. l. 5. c. 23. q. 3. Bellarminus l. 3. de Eccles. c. 4. & in Apolog. c. 5. Vbi in eam rem, varios profert Patres: quod item facit Pamelius ad c. 37. Tertulliani de Præscript. Breuiter S. Cyprianus l. de vnit. Eccles. nu. 14. [Vnam Ecclesiam, etiam in Cantico Canticorum, & Spiritus sanctus ex persona Domini designat, & dicit: *Vna est columba mea, perfecta mea, una est matri sua, electa genitrici sua.* Hanc Ecclesiæ unitatem qui non tenet, tenere se fidem credit? Qui Ecclesiæ renititur & resistit, qui cathe-

cathedram Petri super quam fundata est Ecclesia deserit, in Ecclesia se esse confidit? ] Quod si Hæretici & Schismati ci de quibus coniunctim agit, ibi S. Cyprianus, nō sunt Ecclesiæ membra, ne voluntate quidem, præcisi sunt à Christi corpore, atque ita certò sunt perituri, si in eo statu excedant. Audiendus rursus S. Cyprianus ibidem num. 19. [ Auelle radium solis à corpore, diuisionem lucis, vnitatis non capit; Ab arbore frange ramū, fructus germinare non poterit; à fonte præcide riuum, præcisis arefcet. Sic & Ecclesia Domini luce perfusa, per orbem totum radios suos porrigit, vnum tamen lumen est, quod vbique diffunditur, nec vnitatis corporis separatur; Ramos suos in vniuersam terram copia vbertatis extendit, profluentes largiter riuos, latius expandit: Vnum tamen caput est & origo vna, & vna mater, fœcunditatis successibus copiosa. Illius fœtu nascimur; illius lacte nutrimur, spiritu eius animamur. Adulterari non potest sponsa Christi, incorrupta est & pudica: Vnam domum nouit, vnius cubiculi Sanctitatem casto pudore custodit. Hæc nos Deo seruat, hæc filios regno quos generauit, assignat. Quisquis ab Ecclesia segregatus, adulteræ iungitur, à promissis Ecclesiæ separatur. Nec perueniet ad Christi præmia, qui relinquit Ecclesiam Christi. Alienus est, profanus est, hostis est. Habere iam non potest Deum patrem, qui Ecclesiam non habet matrem: si potuit euadere quisquam, qui extra arcam Noë fuit, qui & extra Ecclesiam foris fuerit, euadit.]

Hoc expressit S. Hieronymus Epist. 57. alloquens Damasum. [ Ego (inquit) nullum primum, nisi Christum sequens, beatitudini tuæ, id est cathedræ Petri, communione consocior; super illam Petram ædificatam Ecclesiam scio. Quicunque extra hanc domum agnum comedenter, profanus est. Si quis in Arca Noë non fuerit, peribit regnante diluvio. ] Par omnino est sub his alijs verbis, sententia Iesse Ambianensis in Encyclica ad suos. [ Nemo Catholicus contra Ecclesiæ auctoritatem. Nemo sobrius con-

tra

tra rationalem consuetudinem . Nemo fidelis contra pie-  
tatis intelligentiam certare audet , ne Schismaticus inue-  
niatur & non Catholicus . Sequamur S.Romanæ Ecclesiæ  
auctoritatem , vt vnde Catholicæ fidei initia accepimus ;  
inde exēplaria salutis nostræ semper accipere valeamus ; ne  
membra à corpore separentur suo , ne Clauiger Regni Cœ-  
lestis abijciat , quos à suis diuersos intelliget esse doctrinis . ]

### S V B N O T A T I O III.

*Qui fructus Morales, ex tam illustribus Romani Ponti-  
ficiis Titulis , eruendi .*

X tam luculentis , tamque numerosis Ro-  
mani Pontificis titulis , erui possunt insignes  
fructus Morales , quoad cultum , obedien-  
tiam , ac subiectionem , personæ tot decori-  
bus à Deo honestatæ , debitam , à quibusuis  
fidelibus : præter gratitudinem , qua ijdem fideles Deo  
obstricti sunt , ob prouisam huiusmodi viuam fidei regu-  
lam , tantoperè necessariam . S.Bernardus indidem hausit ,  
quām eximia Sanctitate collucere debeat , qui ad tantam  
sublimitatem , totque non vacuos titulos est euectus . Quæ  
omnia breuiter hic attingemus .

### F R V C T V S I.

*Quanta veneratio Romano Pentifici ab omnibus  
fidelibus exhibenda .*

I Mprimis ergo , colligi ex tot Pontificis ornamentis po-  
test , quanta reuerentia , simulque obedientia , & subie-  
ctio , Pontifici Romano , vero in terris Christi Vicario de-

D d d                      bea-